

稀見

北京師範大學圖書館 編

北京師範大學圖書館藏

稀見方志叢刊

武清縣志卷六

官制不後職事一此名所且詳也然攷舊志闕然
 卦而外君公也子方內不免齟齬且河防各
 官外志中體例得之志靈壽縣志首載
 封外志中體例得之志靈壽縣志首載
 祀名不後職事一此名所且詳也然攷舊志闕然
 姓名不後職事一此名所且詳也然攷舊志闕然
 次僚屬凡河防各官悉附焉取法前賢略參臆見庶幾論



北京圖書館出版社

北京師範大學圖書館藏稀見方志叢刊

十九

北京師範大學圖書館
編

北京圖書館出版社

第十九冊目錄

〔咸豐〕崇義縣續志·····	一
〔嘉慶〕蛤仔難紀略·····	三〇五
〔乾隆〕續修郊縣志·····	三四九
〔民國〕葉縣鄉土志·····	五四一

崇義縣志序

南康上猶兩縣志皆續修未久惟大庾志已逾百年崇義縣志亦八十餘年未修且大庾志原燬於火崇義志版雖存百數十片已多殘闕霉朽不堪用是四縣之志亟宜修纂者大庾爲最崇義次之余故於來守之初卽重刊大庾志並續纂二冊工竣後本擬接修崇義志適因權篆贛州事遂中止迨往歲回任復以軍務倥傯不遑顧及今又將有虔南之行於此事心終耿耿爰與署縣何儉齋廣文何珏城遴選本邑公正紳耆分投城鄉各處採訪竭三月之力編輯續志二冊自乙卯冬月開

雕至丙辰仲春畢事其舊志悉照原本翻刻無一字增損
續志所載雖皆確鑿可徵仍另列卷帙不使前後混淆竊
願後之君子再加攷究而論定焉以資傳信此則區區抱
殘守闕之意匪特不敢以有功文獻自居且恐遺漏滋多
殊足爲憾書既成邑人士問序於余因述其顛末如此
咸豐六年二月吉日護理吉南贛甯兵備道調任贛州府
南安府知府山陽汪報閏譔

崇義縣續志序

志書之設所以誌一時之風俗人心典章文物而言治者之
所急也余自去春始蒞任南安下車之初公務旁午
為之軍事倥傯未暇及茲時節守汪桐階先生風承
家學此所行者悉遵相國文端公之訓至有闕於民
情士習者莫不謹諄而力行之庚戌孟夏余守南安
即取各屬志書以資省覽而南安志書久大庾縣

志板燬於火書帖亦殘闕不全乃遍搜廣訪集成
全簡以重刻而剞劂焉乙卯季秋又因崇義志
書亦殘缺不全乃搜訪而重鑄之工未竣而桐階先生
旋有虔州之行余蒞任後未嘗不嘆桐階先生之
留心於治術者為甚殷而後來者亦幸得藉手以
從事也夫志書之例義美不載惡所載者而
以為勸其所載者即可以為懲也明矣凡人知

勸懲則知廉恥知屬恥則知節義人心日正風俗
自淳不可於此而卜之也我丙辰孟夏工竣鄉人請
序於余余乃叙其事之顛末具明志書之有
益於風俗人心者必法也故序之以并其首云
賜進士出身知南安府事長白廣勇謹序



續修崇義縣志序

知縣 何允康

今夫記載不必遠及而關係乃在省會天下之大吾於凡邑之有志見之矣

國家文治光昭幅員廣濶

大清一統志固已準今而邁古矣顧是書之成其事蹟必採擇於各省中省採諸郡郡採諸邑是邑之有志所以備採擇而上達於郡於省於京都所係誠非淺鮮顧可聽其久而就湮乎哉崇義志之不修今八十有八年矣溯乾隆三十二年邑令羅公纂自文成開縣以後彙二百餘年之殘缺而輯爲成書用心甚苦而厥功亦甚偉今之志固羅志

也而其間興廢沿革科名仕宦與夫人物等項之未登記載者失今不紀後將無徵太守桐階汪公心惻者久之謂邑乘歷久未修四屬中大庾崇義爲最庾當先崇次之憶數年前旣捐廉校定庾志序當及崇旋以調署古虔未竟其事今非其時乎於是面諭諸紳採擇而自總其成是舉也始於本年之孟冬閱兩月而稿成公暇爲裁定發刊崇邑志之不絕如縷太守有以延之也太守爲文端公之賢後嗣治法一本家學蒞治以來凡興利除害舉廢振頽諸偉績釐然可爲當世法余承乏茲邑一切修城建卡房等役旣幸得所稟承是志之修已勞遠慮謀之於前竊以觀

成爲快特如崇距郡百有餘里未得親侍丹鉛也志旣成
邑諸紳以宣揚盛德爲請遂援筆以述其緣起且以明太
守之留心風化無微不至其愛澤將與斯志並垂不朽云
是爲序時咸豐五年季冬中浣代理崇義縣事山左何允
廉謹序

崇義縣續志序

教授周 誥

今夫志猶史也古者太史採風貢之天子一時之賢愚忠佞是非得失莫不燦然具呈於簡冊此正可以驗人情察好尚觀風俗者也而其實不過編年紀事積而成書大而君臣父子以及名物象數之微而加之以筆削寓褒貶於微文別善惡於片語遂以誅奸雄發潛德以爲千秋之定論法至嚴也志則徵之於一郡一邑其間之記載則有美而無惡其間之稱頌則有賞而無罰有一事之可法一言之可傳者莫不取而錄之以爲激勸之助非志寬而史嚴蓋史爲已定之志而志爲未成之史其名異而同其意一

而分也崇義爲南安之屬邑西界荆湖南通廣粵其地多山而磅礴鬱積之氣必有鍾諸人物發爲祥瑞者不有以誌之無以信今而傳後也崇縣原志自羅公修纂以至於今百餘年矣其板蟲傷鼠蝕並多殘缺書冊亦多散佚不全徧訪世家故老彙集以成全書苟非重爲剞劂以永其傳則散佚大可慮矣然非有志於風俗人心者烏能任其事哉庚戌之歲郡守汪桐階先生來守是郡其本實心行實政者悉稟承相國汪瑟菴先生之家法下車之始卽以正人心勵風俗爲事因而搜訪郡邑志書以考風土之好尙以驗人心之趨向歲辛亥卽將南安郡志大庾縣志重

修續刻以備其全其於原志舊文不敢刪增一字傳其信也而於續志悉由紳衿之採訪而不敢寬濫亦傳其信也乙卯十月搜閱合郡志書又將崇義志書捐俸重鐫於學宮兩學司鐸者得以時全校閱因以悉此舉之始末而竊爲崇義之士民幸也後有好古者欲觀風而問俗焉其亦以此爲嚆矢也歟於是乎序



